

叢書集成續編 第一四九冊目錄

文學類



詩文別集——明

大錯和尚遺集四卷·····	明 釋大錯撰	雲 南	一
陳文忠公遺集十一卷·····	明 (錢邦芭)		
蓮鬚閣集二十六卷首一卷·····	明 陳子壯著	粵十三家	四三
錢忠介公集二十卷首一卷附錄六卷·····	明 黎遂球撰	粵十三家	一四三
附錢忠介公年譜一卷·····	明 錢肅樂撰	四 明	四五五
	民 馮貞群撰		七六六

太錯和尚遺集

村開柳湖於他山之下結屋居之歷兩年餘可望逼召
十有三次堅拒不爲動甲午二月二十三日爲邦芭生
辰知交門人介觴於蒲村次日而餘慶令鄒秉浩將可
望命趣就道邦芭飲之酒卽日祝髮改所居曰小年庵
門下於三日內祝髮者先後十有一人曰古心古雪古
惠古德古義古拙古荒古懷古園古處邦芭併改柳湖
之居曰大錯庵與諸弟子分處焚脩焉而可望卒忌邦
芭使任譔爲書婉勸仍堅拒遂遣人械至貴陽拘於大
興寺時永歷駐蹕安隆可望待之無人臣禮殺從臣吳
貞毓等十八人方日夜謀篡逼會李定國入衛移蹕入

大錯庵遺集傳

三

滇可望謀犯關甚亟程源鄭逢元雖被脅於可望然尙
不忘故國數過邦芭秘議邦芭謂馬寶馬進忠馬維興
三人皆勳舊曾與我言而憤慨欲圖報朝廷而無路也
至可望標下惟白文選心在朝廷昔曾與我訂盟誓不
相負者可望犯滇必用諸人爲將從中用計圖可望如
反掌耳身被幽禁惟二君致意而圖之源逢元商文選
等俱如約可望兵入滇李定國禦之大戰於交水白文
選馬寶等倒戈可望大敗走湖南降清邦芭得脫身赴
行在仍授左都御史掌院事兼巡撫雲南先是有方于
宣者爲可望僞翰林諂事之勸進甚力時爲提學試元

靖其命題有擬賀秦王出師討逆大捷表及聞可望敗
則賜書於邦芭云欲糾義旅擒可望以獻邦芭答以詩
云脩治當年筆前餘帝星井度竟成虛秦官火後收圖
籍猶見君家勸進書蓋于宣曾爲可望脩史又嘗對人
言帝星明於井度秦王當有天下故也於時督理李定
國軍事者爲金維新秩左都在邦芭上維新又與馬吉
翔晤朝政多舛邦芭言不用鬱鬱浮沈而已清兵三路
入滇會城不守永歷西狩入緬從臣多半道相失邦芭
至騰越仍僧服隱居雞足山撰山志成十卷已而聞緬
變永歷帝崩於昆明乃痛哭出山行脚至湖南衡嶽居

大錯庵遺集傳

四

十餘年相傳委蛻於此邦芭所著書有蕉書記殘明事
入禁燬書目今不傳所著詩文雜見於他書者余哀而
輯之曰大錯庵遺集四卷其所爲梅柳詩百詠久已
單行邦芭有從弟曰邦駿字馭少亦能詩廣陽襍記載
其居庸關七律二首曰邦楨字啟少諸生亦從軍不知
其下落從子曰默字昭音崇禎癸未進士亦爲僧名成
同示寂越之顯慶寺朱彝尊采其詩入明詩綜曰點字
鑒濤官監紀終老蒲村有詩曰最庵集沅湘耆舊集云
曾占武陵籍猶蒲村前事蓋亂離奔走萍蓬莫定尤可
慨也黔詩紀略載其詩三十八首并抄附大錯庵後跋

與點皆注籍嘉善殆與丹徒兩地析居與

拙庵居士曰開少先生豈其以託迹方外爲畢乃事哉
挾卓越之才抱忠讜之略委質於末運摶挂殘山廢水
間地棘天荆千磨百折進不咫尺顛輒尋丈卒不能挽
鄧林之落日初以爲僧抗劇賊者終以爲僧徇君父蓋
自金蟬慘變而眞不能不以圓頂方袍爲學生歸宿其
節可壯而其志尤可悲矣余爲童子時見先生贈先戶
部公寶岩居詩居易軒集序又於外王父家見先生作
西賓山圖記長卷文章書法皆其清剛湛亮之氣噴薄
而出高山仰止數十年往來於懷今輯先生遺集迺者
行事之見於故書野乘者草先生傳并之集端爲讀者
知人論世之助且藉以補南疆逸史之闕云

六續和尙遺集

傳

五

狀緒和尚遺集卷一

雲南叢書王編集部卷一

明丹徒錢邦直撰

清劍川趙聯元補遺輯

詩

蒲村歸田二首

平生寡世情賦性耽閒逸塵網一羈絆舉步成隘窒沈思本無味忽忽如有失一朝決去就曠然深自得理我荷葉衣拂我笋皮笠逍遙田畝間昂首看雲色百物適自然欣彼歸飛翼

春至雨露滋百草俱萌茁荷鋤周田塍土膏解枯澀汨

太錯和尚遺集卷一

汨水泉動蟪蛄蚶蚶出呼僮治犁鋤催耕不遑息天時一相違事倍功猶嗇君子既勞心小人應食力俯仰天地間貴賤咸有職一人肆遊惰羣情能無惻飽暖不知恥恐有災患及自非終歲勤豐稔安可必

喜李少白自楚歸里二首

三楚遊踪一劍輕山川無恙慰君行春風故國人千里夜雨孤帆夢幾程湘漢波連殘月影洞庭雲捲斷潮聲歸來長物都刪盡檢點詩囊白雪清

歷盡崎嶇千萬山蕭蕭楓葉點衣斑天涯日暮鴈初落故國秋深人未還十載風塵悲短髮半生事業老朱顏

相看世故都難合擾擾塵勞未可刪

申午祝髮偈

一杖橫擔日月行山奔海立問前程任他霹靂肩邊過談笑依然不轉睛

答任讓貽書

破衲蒲團伴此身相逢誰不訛孤臣也知官爵多榮顯只恐田橫客笑人

被械至黔途中口占三首

纔說求生便害仁一聲長嘯出紅塵精忠大節千秋在經緯原來是幻身

太錯和尚遺集卷一

桎梏縈纏是夙因千磨百折爲天倫虛空四大終須壞忠孝原來是法身

前劫曾爲忍辱仙百般磨鍊是奇緣紅爐火裏點春雪弱水洋中泛鐵船

答方于宣貽書

脩史當年筆削餘帝星井度竟成虛秦宮火後收圖籍猶見君家勸進書

賦得山靜似太古東趙雲升戶部三首

山深人不到流水對高松竹徑花難掃柴門雲自封鄰雞遲午報野碓罷朝春雨過新苔遍惟餘麋鹿蹤

春深花正紅現在萬山中歲月應難誌耕耘自可風泉
流隨去住樹影任西東溪上垂綸者行藏未易通

心閑耳目靜萬籟不聞喧松下棋聲落窗前花影翻清
泉灌芳園獨鶴步高軒鄰叟多淳朴相看無一言

採茶

隊隊攜筐去朝朝采葉歸綠沾嵐影重青帶露痕稀柔
嫩疑傷指芬芳欲療飢及時供茗具幽事慮多違

試新茶

消渴廢詩箋新芽手自煎流泉春雨後活火午風前香
繞歌餘夢涼侵醉裏迴落花如有意輕颺竹爐煙

大錯和尚遺集

三

題永北阮氏世孝錄

己亥之秋余偶過澗滄看兵臺未孩曹公寓瑞

光寺值門弟子張爾介亦遊於此因與其友阮

儀先儒來出此冊屬余爲題阮宜人卽儀先之

祖母也余自乙酉阻演黔之間莫能歸不奉慈

闈色笑者十五年矣對此自傷於中因併及馬

阮家世孝流慶長碑傳人口名姓香母爲翁疾懷感傷

藥餌不瘳中旁徨金刀割股調藥嘗一匙入口心清涼

病翁霍然起管牀孝道成家感正祥十歲女子知能良

母病朝暮相扶將憂心如焚幾斷腸雪刃隱隱衣中藏

忍淚割股投藥湯母病平復建且康族里驚傳重倫常

野史肩公傳已詳吾師太史復表揚文字流傳百世芳

小人有母在高堂衰暮白頭倚閭望十五年來未稱觴

余何爲者家此鄉罪通於天我涕滂女子不若中自戕

感茲世孝尤激昂百拜頂禮作朝行歌詞愛慕爲懷愴

秋風颯颯東歸裝遙指江東心惶惶一奉菽水樂未央

孝德流播在遐荒風移俗易豈不臧永世尸祝誰能忘

用李中溪句爲引寄雲升戶部石寶山居四首

劍海西南石寶山洞天福地置禪關細農羅到山初闢

諸巨竊居石不頑

大錯和尚遺集

四

劍海西南石寶山莊嚴寶相現螺髻君家一剎尤標勝

雪裏茶花照日殷

劍海西南石寶山題名未剝薛苔斑升庵憔悴中路老

到此曾偷幾日間

劍海西南石寶山山中有美豎丹顏懷君更爲詢存夢

謂段可有瑤華藥老怪

春日遊九重崖

春深景物和山氣更明潔徐步忘險阻扶杖肆愉悅竹

樹自幽深循目烟嵐接溪聲隔林杪石路幾迴折小憩

岫巒隈俯視諸峯列仰瞻嶺頭雲去天不盈尺崖下精

舍開禪樓實清越老樹不可名石狀瘦而別蔬蒲香積
具相對忘主客憑閣一迢眺村舍如蟻垤憫彼蚩蚩者
塵勞遞煎迫世網欣脫然遊觀能自適偶爾寄微軀幸
不爲形役山水得我情深淺俱無射歸路御風行丘壑
每相逆回瞻向來峯蒼茫晚烟碧

華首門

絕壑插空起直上幾千尺五丁鑿山根半崖開石闕雙
扉宛然開尊者閑靈跡守衣遺佛旨一定歷千劫點蒼
人畫圖了了凝素雪洱水一杯浮寒裳似宜涉崖勢臨
萬仞陡削如屏列老樹每倒懸瘦石數欹凸遊覽固可
娛危險亦難躡飛猿倚樹啼升降且盤躡石級隘復斜
攀援多聲折俯愁地軸翻仰畏山柱裂轟雷起壑底隱
隱雲霧窟峯巔旭日開陰晴指顧別嘯歌寬歸途夢魂
猶惴怯後來隨續遊毋徒山水役勝情具千古心期閣
相接

春晴獨遊

茲山奇不厭攬勝惟我欲前溪微雨過朝峯如新沐曳
杖穿深林瘦石依篁竹泉聲隔樹聞空響答幽谷黃粉
落緇衣松花曉夜熟好鳥弄春晴次第嚶鳴續盤桓藉
草坐曠然玩幽獨此中與世忘探討殊不足

雞山散步

朝嵐娛輕暉羈心展孤眺遠峰了了明迴溪深窈窕林
木翳寒泉孤影時相炤白石潔可踞漱濯從吾好殷殷
雷度嶺稍稍雲生隩山中視聽閒烟霞具清奧幽事不
易尋虛心領其妙曳杖竟忘疲天風答長嘯

尊勝院待月

積雨晦深崖夕陽忽開霽理策肆遐觀同人先後至輕
雲面面收孤霞沒荒裔嘯歌仰太虛次第明星麗少馬
天宇皓皓魄無纖翳塔影掛碧霄四映曠無際懷抱一
何長感慨不能寐我情爲境移羈思聊自慰縱目振衣
應復憐斯志

片雲居聽雨

寒玉蕭森剪空碎飄墮玉龍千點淚一聲兩聲駐江雲
滴入愁心不能寐樹杪縣泉千道飛濺濺敲窗落新翠
迴風折木擾棲鳥三匝啞啞鍛修翅殘鐘無力度重陰
悠揚銷盡枯禪味雷撼西峰山軸翻銀漢倒瀉天幾墜

雞足山古松歌

滇南山川天下雄崖巒疊翠聳雲中崑崙來脉千萬里
雪山奔湧三十峰一枝天矯結蒼岫幻出雞足海水東

千崖萬壑競奇秀，烟雲變亂不可窮。天根地軸萃靈異，沐日浴月恣寵從。千年精疏古洞穴，幽光靈氣獨有鍾。抽芽發條知何歲，一朝躡起爲長松。百千老樹皆兒子，俯仰羅拜如不容。名人才士過其下者，共嗟嘆橫拿倒攪。屈曲蟠結如鬼工，上有兔絲千尺垂雲絡。下有琥珀百斛懸脂紅，或云修柯一枝飛去爲虬龍。或云孤根幾折潛孕若木，更佛子無盡先鑒賞。狂呼大叫，陸奇逢爲余形似難爲狀。擔當之言將無同，比丘安仁亦好事。勸我往看欣相從，策杖苦無躋勝具。攀崖捫壑鳥道通，遙望此枝十里外。迴雲停霧何青葱，諸賢摩娑坐其下。濤

大錯和尚遺集

卷一

七

響飄蕭耳爲聰，屈如老螭蟠怪石。伸如怒蛟橫長空，一枝一葉無不森秀堪把玩。况復古柯大幹參天蔽日勢，豐隆仙盤豪飲不肯去。坐卧十日誰能同，山靈忌我探靈秘。風雷隱隱暗蒼穹，長嘯一聲且歸去。寫作古歌筆興濃，此歌既成山靈當一來。呵護羞殺秦政區區大夫松

崖壁古碣歌

高崖勒字多古文，藤蘿蒙茸烟霜深。歲月久遠不可尋，字痕凹凸隨石生。欹側橫斜半失真，古人題此非無心。豈不欲留千載名，誰知山石改舊形。篆籀磨滅苔蘚侵

何期轉盼滄桑成，側身感慨悲填膺。百年瞬息馳飛輪，高岸爲谷深谷陵。今古是非何所憑

雞山絕頂放歌

嗚呼高哉雞足之危峰，穿雲阻日不知幾千仞。削出天外青芙蓉，舉手不覺摩蒼穹。日月兩丸西復東，河漢聲流瀉我躬。嗚呼高哉，捫參歷井不足道。我欲御風遊太空，尋得女媧補天處。足知造化須人工，雪山連涌千萬里。玉光晃耀開心胸，開風氣可接何煩跨白鶴。乘飛龍，飛復鞭石填海求相通。華首門外有大道，阿僧祇劫頃刻中。後之來者何從容，嗚呼高哉匪山之豐隆。攀

大錯和尚遺集

卷一

八

危陟險苦鳥道昭，昭白日門自封

晚步鉢盂菴三首

泉聲何處急，落葉滿溪梁。燈影明虛殿，松陰冷石牀。茶烟山翠合，花雨履痕香。回首寒鴉亂，千峰遞夕陽。何處松溥湧，禪棲掛斷霞。談經花是雨，乞食鉢爲家。澗險支危石，橋崩礙古槎。茶鐘知幾沸，歸路暮烟斜。山徑夕陽低，寒梅照石谿。鳥歸松舍外，人語竹林西。鐘沸催新火，菴名換舊題。攜筇長嘯去，歸路紫烟迷

玉龍閣瀑

亂水出峰頭，懸空下急流。青山中忽斷，白練掛難收。沫

灑千崖雪寒生萬木秋瞳瞳初日上搖曳碧光浮

不知處

山徑每回折幽深別有天到門先報鶴小坐便爲禪水
曲堪忘世松高不記年往來經幾遍次第洗塵緣

雜山除夕二首

絕域逢衰暮羈危更可憐千山寥落夜萬里雪霜天舊
曆難重看孤燈不忍眠莫辭堅坐久未曉是殘年
歲歲催人老今年夕又除傷心荒徼外愁淚甲兵餘此
夜四時盡明朝一載初宵分倍留戀雞唱又何如

山中送張李兩公歸途有感

本錯和倫遺集

卷一

九

送別每多感此番情更深歸途盡惆悵遠望復沈吟不
解因何故忽然愁不禁應知今夜夢兩地費招尋

山僧藤杖

師來西土遠一杖破秋雲度嶺寒猿引穿林鬬虎分老
根餘石色瘦節累霜紋莫道山川險艱難必共君

榮感徒

天道何遠人道何邇宋公三言榮感退徒鄒衍呼飛霜
集易水歌虹貫日匹夫精誠動上蒼九重何難修令德
後世天象本自明側身恐懼不復聞無可奈何時一杯
酒勸長生

公壇舞

成陽主氣消白日綺筵珍錯鳳脂泣轅門鼓樂叶鈞天
鼎龍遊采亞夫嘿寶玦三舉君不知項莊拔劍當門入
赤身舞公莫舞座中赤帝真吾主樊噲腹裂項王驚客
何爲者怒如許公莫舞公莫舞項伯蔽帝存項宗玉斗
墮碎君何功

客星高

天子來張我目士固有志何相迫天子臥加我足客星
犯座天變速天子不見見人臣君房癡絕何足論君不
勉吳山高山高水復清諫諫何能下子陵狂奴故態誰
能馴桐江釣竿有舊綸高節清風百世興先生持此報
故人礪谿渭水徒紛紜

鸚鵡曲

漁陽搥音何妙雖小有才未聞道鸚鵡賦詞何麗才高
自炫應招忌居才未聞徒毀罵況當衰世誰能下大兒
孔文舉小兒楊德祖如公所許皆觸阿瞞怒先後駢戮
亦何補鸚鵡能言爲舌誤莫倚善題鸚鵡賦黃祖不敵
鸞主簿

涼風臺

涼風臺前虹貫日涼風臺下池水赤戲書數字怪兒曹

覆盆夜破赤星餒叮嚀慎勿效前人前人者誰君自名
濟南何在三不語却爲樂林求樂土君家骨肉多奇冤
作法於涼何必言君不見前有涼風臺後有華林園

反覆子

反覆子何足取當年反覆只爲汝于今大物已我歸此
輩反覆終我悔莫云反覆多厚利劉昉極刑鄭虔廢君
不見反覆臣多殺身前成濟後張衡

無賴賊

無賴賊逢大便殺不可即無賴豈可託君國此家事休
問人佳兒佳婦詎不聞北雞一鳴唐祚移唐家子孫靡

大鑑和尚遺集卷一

三

子遺可惜爲公輕剪鬚先出後用何嫌疑君臣父子恩
可賣犬馬畜臣何足怪莫云不負李密恩此賊負國終
無賴

人犧歎

少室廟犧牲缺宋公沐浴一何深俎盤纍然誰爲者偃
臥其中云非假春秋用人曾大書公今自用復何也俎
盤沐浴公誠潔公有口過誰能悅北門徒賦明河篇溺
器殷勤誰作緣

維州冤

無憂城祖宗地尺寸土安可棄唐宰相便私計宋史臣

持原議朋黨禍忠雖一時萬世是非何可廢宋代君臣
終斯志燕雲十六州委棄無復意偏安和議爲國累金
死終得乘其弊謀國之誤寧無自

閩學博

閩學博今非唐青瑣歲月老生徒深宮別傳女官學女
官之師得主振犬馬畜臣奸閩進君臣報禮疑相應士
木之變何煩訊學博閩非徒然女郎夢下求名賢君不
見漢家宮刑得史遷

過錫山贈郭藝一

崑崙性蒼設日月走西東溟渤蕩坤維蛟龍遊其中至

大鑑和尚遺集卷一

三

人恢德量涵納不可窮山海真靈異精氣潛相通

歸田詩

雨後聞催耕侵晨驅牛出望杏復瞻葵樹生如不及五
穀本五木山中有恒思一犁春雨足殷雷起潛蟄生物
各知時而人乃情感每誦勸農詩謹遵先民則稼穡知
艱難庶免逸居咎

春深草色齊川原氣清潔牛羊各在野芻牧自欣悅播
種審所宜寒暑考令節耕耘玄妙理勤惰爭巧拙鹵莽
最所戒細心求無敵讀古農書先聖遺訓切衣食追
本源孰敢云不屑

窮士吟

貧爲士之常窮亦是其固羨里自逍遙匡園等平素河
上有何憂廬中可問渡涉江與哀郢豈謂終迷路莫效
阮生哭莫廣東野句智窮得神理學窮見真趣文窮省
浮辭命窮識天數交窮始有道不爲世人附古來能窮
者往往知其故

野寺

野寺雖荒僻祇園在此間棲禪雙樹老洗盃一身閒佛
古燈常寂鐘殘鶴未還經過塵慮淨何必掩松關

送侯若孩從軍

大錯和尙集卷一

三

漁陽烽火昨來驚倚劍遙看太白明大帥龍堆朝卷帳
書生虎帳夜談兵墨磨鐵盾飛新檄箭射蠻書下故城
會見降旗迎馬首鑄歌高唱

自焚惑徒以下共十六首鈔自旱雨堪遺民詩中其
評謂禪師爲詩磊落孤憤借古喻今善於怨者亦知
言也趙藩補錄

大錯和尚遺集卷二

雲南叢書二編集部之屬

明丹徒錢邦芭開少稿

清劍川趙聯元拙庵輯

詩

寓永北瑞光寺

荒服驅車日漸斜
瘴烟影裏見人家
河山破碎殘黎在
雲漢昭回毒霧遮
禮樂依然存父老
干戈何處問桑麻
遊人歸路重搔首
野寺霜林帶晚鴉

留題瑞光寺

停車古刹正秋深
老樹蕭蕭霜色侵
亦有門人頻問字

大錯和尚遺集卷二

一

欣逢好友共攜琴
蝴蝶夢回宗國淚
杜鵑聲斷故鄉心
不堪再渡瀾滄水
流到江南怨更深

雞足山三首

天遣外岳鎮南疆
嶺削三支壓點蒼
華首門高禪定久
曹溪一滴水源長
宿驢東井明分野
勢控西番接大荒
奇勝千年探不盡
峰頭秋霧望飛光

層崖處處隱禪關
陡列三峰不可攀
千樹寒松欺白日
一條飛瀑界青山
佛光上下天門曉
塔影參差石壁間
不是藏奇荒徼外
書成封禪有誰刪

漢代徒知祀碧雞
名山恥受帝王題
百千萬劫石門閑

七十二泉龍穴棲
拜佛台基依古塔
洗心橋水迎曹溪
不須更憶靈山會
咫尺三峰鷲嶺西

登雞足絕頂

懸空異境闢天開
嵐氣蒼茫抱日來
種玉山中人漸老
傳書海上鶴應回
雪峰西現支拳石
洱水東浮酌一杯
莫道巒荒幽興盡
扶筇更上幾層台

悉檀寺

六十年前古佛身
蒲團小定悟前因
石橋松徑當時路
擔水搬柴舊日人
掃塔幾番尋杖鉢
翻經猶自拂埃塵
本來面目依然在
不向菩提印性真

大錯和尚遺集卷二

二

迦葉殿留宿

悟得菩提自在禪
等閒飛錫到南滇
衣留正眼拈花後
宗付燃燈古佛前
水過迴溪新契悟
雲迷石洞舊因緣
宰官身現原無相
回首西來又幾年

石鐘寺

萬松影裡佛光廻
百尺飛泉絕壑開
塔古也知僧定久
月明幾見鶴飛來
石鐘寺老存遺蹟
陰洞燈殘照劫灰
禪誦琅琅聲定後
天花飄散妙香台

尊勝塔院看落梅四首

寒苔漠漠掩殘香
零落疎枝掛短牆
林下夢回春已度

湖邊鶴去影堪傷素英寂寂飛斜月玉葉霏霏怯曉霜
可惜灞橋詩興好蹇驢欲側怨風狂

月色朦朧事可猜輕飄幾點入窗來一百五日候將半
二十四番風乍催春絮亂飛香寂寞冰衫碎影徘徊
最憐雨雪朝來冷玉骨離離葬碧苔

春來簌簌到簾櫳橫笛孤吹怨未終
芳魂化去玉爲叢橋邊驢踏香泥濕湖上鷓鴣霜徑空
剩有幾枝猶帶雪殷勤起拜落花風

窗前忽訝點眉新誰向深山護早春素襖侵苔珠有淚
生綃貼地雪生塵冰蠶竊食成香繭粉蝶偷眠疑玉茵
大鑄和尚遺集卷二

疑是雛妃乘霧過亂拋環珮贈花神

片雲居海棠二首

柔紅冉冉碧烟遮宋玉墻東媚更賒乍吐先含鬚引露
將欲欲墮暈生霞醉看夜色燒銀燭曉障春風護絳紗
正是楊妃初睡覺殘粧微印粉痕斜

枝枝柔軟闌嬋娟
嬌痕半褪曉霞鮮無情有恨誰能見似醉如啼我獨憐
南國莫愁香盡滅芬芳未許混清妍

雲起

深溪白雲起冉冉出前山風雨徒相亂老僧仍閉關

松下獨坐

長松幾千尺深夏不知暑坐久無人聲好鳥時相語

新竹

新篁稍出雲翠色宛欲滴搖曳引山風耳目更幽寂

竹間待月

薄暝山氣佳幽意誰能領林深月到遲徘徊竹間影

山居

澗響不聞人聲松陰竟忘亭午往來鹿豕爲羣耳目居

然太古

松下煮茶

石鼎新耳自煎茶響松濤相亂白鶴飛來一雙幽事居

然分半

山齋晚坐二首

晴嵐半隱松溪落炤斜穿竹塢林外疎鐘數聲窗下茶
煙一縷

好花半落苔徑山鳥亂噪繁枝窗外夜來風雨老僧高

卧不知

雞山夢中得句

洞門古松生秋陰孤雲不去清溪深雙鶴舞罷四山靜
天風冷冷奏玉琴

一詩中隱煙

曉步春山曉校遲分明翠靄映空披幾番回看前溪色
身在烟中却不知

夢題爛柯圖

一局殘碁世界移仙家日月有誰知樵夫柯爛不歸去
空記人間甲子期

溪邊晚眺

朝衣着破着僧衣扶杖溪邊送落暉鷗鳥也知機慮盡
隨波來往不曾飛

山居

大鑪仙遺集卷二

五

竹樹參差映戶幽酒爐茶竈也風流行人多有迷津者
莫向前溪繫釣舟

附錄錢馭少詩二首

居庸關

居庸千尺滿門間舊是中原第一關屬國久逼高麗使
邊牆直界朵顏山天無私警兵纔息統有專歸成自閒
只羨盧龍田子泰炳然高節邁塵寰

碧營生當戰伐年南軍正戍白狼烟餉輸滄海千艘聚
門接醫閭萬仞天將略何人雄虎豹廟謨終歲輦金錢
一從解甲投戈後博得中原日宴眠

易庵集遺稿附刊

明嘉善錢 點鑒清稿

清劍川趙聯元拙庵輯

擬行行重行行

悠悠涉長道戚戚去故鄉思君不可見佇立遙相望俯
視東流海仰看明月光顧彼飛鴻影嗷嗷將安翔懷中
有尺素道遠不可附客行多所娛不若貧常聚落葉依
根棘孤鶯戀巢墓浩蕩遠遊子能無念所故當戶理瑤
琴瑟促不成音本末何能感哀傷易觸心空堂中夜起
滋潤淚盈襟

大鑪仙遺集卷二

六

擬陶徵君田居

植杖南山下委懷在一壟豈不慕榮祿將爲人事娛吾
生固有常衣食多所虞田園終歲獲飽煖在勤劬苟辭
力作苦曷堪憂與學晨興與耒耜日入脫蓑蓑往還向
隣曲談笑任吾迂明月照落清風吹短襦且醉今宵
酒遑問明日無

雜詩三首

窮遠雖異境安處勿吝嗟日月有盈缺草木無常華豈
知東陵侯乃種青門瓜城郭無主地當日五侯家
設網以待魚魚向網中餌張羅以待兔兔入羅中伏智